

Reuter, Fritz: 1. (1842)

1 Nicks geiht äwer vörnem Wesen!
2 Beten Schriwen, beten Lesen
3 Un de Bibel af un an
4 Lihrt ok woll de Bursmann;
5 Mit de Höflichkeit, dor weit
6 Blot de Eddelmann Bescheid.

7 All von lütt up ward dat tagen,
8 Sick recht höflich tau bedragen.
9 Dat möt glik französch parlieren,
10 In de Weig' all danzen lihren,
11 Kratzfaut maken, Reverenz,
12 Dat du kriggst de Swenzelenz!

13 Was mal ens en Herr von Degen;
14 As hei Vaders Gaud hadd kregen,
15 Hett hei sick 'ne Fru ok namen,
16 Is ok bald en Junker kamen.
17 De kamm, as sie mi vertellt,
18 Mit en Snürliw up de Welt.

19 Hei ward nu nah allen Kanten
20 Von Bekannten un Verwandten,
21 Von de kläuksten Guvernanten
22 Un von sähen olle Tanten,
23 Adelig heruteputzt
24 Un taum smucken Junker stutzt.

25 As uns' Junker nu würd gröter,
26 All de Höflichkeit verget 'e:
27 Hei lep vör de Guvernanten
28 Un vör sine säben Tanten
29 Un lep in den Pirdstall rin,

30 Drew sick mit de Stallknechts rüm.

31 Bald würd hei denn ehres Gliken,
32 Würd sihr nah den Pirdstall rüken,
33 Un de gned'ge Fru Mama
34 Säd taum gned'gen Herrn Papa:
35 »setz dich hier mal zu mir her;
36 Sag', was meinst du woll, mon cher,

37 Wär' es jetzo woll nich Zeit,
38 Daß er noch mehr Höflichkeit
39 Lerne und französch parlieren
40 Und französische Manieren?«
41 Herr von Degen seggt: »Auf Ehr!
42 Du hast immer recht, ma chère.«

43 Nu würd denn för hogen Lohn
44 Richtig 'ne französch Person
45 Ut en frömden Land verschrewen
46 Un de Bildung stark bedrewen.
47 Fru von Degen seggt: »Auf Ehr!
48 Magniperbement, mon eher.«

49 Einmal gaww denn ok von wegen
50 Festdag unse Herr von Degen
51 En gefährlich Middageten;
52 Junker Korl hett ok dor seten,
53 Un satt dor in gaude Ruh,
54 Bi em Mamsell Parlewu.

55 De Mama fung an tau lawen,
56 Wat ehr Junker hadd för Gawen
57 Un wat saubere Manieren
58 Un wat hei französch ded lihren.
59 Korl satt dor as in'n Däs',

60 Mit 'ne lange, snappig Näs'.

61 Dit sach Mamsell Parlewu,
62 Weckte em ut sine Ruh:
63 »monsieur Charles, mouchez-vous!«
64 »je! süh! kik! Wat, mouchez-vous?
65 Sei is ok woll nich recht klauk?
66 Heww'ck ok all en Snuwdauk?«

(Textopus: 1.. Abgerufen am 23.01.2026 von <https://www.textopus.de/poems/52330>)